

## IRAGARKIAK

### Pribatuen iragarkiak

#### FUNDACIÓN EUSKADI KIROLA FUNDAZIOA

## 280

*IRAGARKIA, Fundación Euskadi Kirola Fundazioak 2012rako goi-mailako kirolari bekak emateko oinarriak jakinarazteko dena.*

Eusko Jaurlaritzak, uztailaren 20ko 203/2010 Dekretuaren bidez, goi-mailako kirola arautu du Euskadin, eta 12. artikuluan aurreikusita dago bekak, sariak eta laguntza ekonomikoak ematea, kirolaren segmentu hori sustatze aldera, Fundación Euskadi Kirola Fundazioaren bitartez.

Fundación Euskadi Kirola Fundazioa Euskal sektore publikoko fundazioa da. Erakunde honen helburua goi-mailako euskal kirola bultzatu eta sustatzea da; horrela, goi-mailako kirolean nazioarteko lehiaketetan erruz parte hartu ahal izango da eta, bereziki, goi-mailako kirol ekitaldietan. Halaber, lehiaketa horietan euskal kirolariek goi-mailako emaitzak izatea da erakundearen beste helburua.

Erakundeak xede duen goi-mailako kirolean aritze aldera, Fundación Euskadi Kirola Fundazioaren Patronatuak Euskadi Kirola Bekak ematea onartu du 2012. urterako. Hauek izango dira

### OINARRIAK

#### 1. artikulua.– Xedea.

1.– Oinarri hauen xedea Fundación Euskadi Kirola Fundazioak 2012rako goi-mailako kirolerako ematen dituen Euskadi Kirola Bekak arautzea da, 2012ko urtarrilaren 1etik 2012ko abenduaren 31ra.

#### 2. artikulua.– Definizioak.

1.– «Euskadi Kirola Bekak» izenaren barruan goi-mailako kirolerako zenbait laguntza ekonomiko, tekniko eta biomediko daude, oinarri hauetako 4. artikuluan zehazten direnak.

2.– Oinarri hauen ondoretarako, «goi-mailako euskal kirola» Euskal Autonomia Erkidegoaren intereserako den kirola praktikatzea da. Erkidegoko kirola garatzeko funtsezko faktorea da; izan ere, oinarri-kirola sustatzeko pizgarria da eta goi-mailako kirol lehiaketetan ordezkatzeko aukera ederra ematen du.

3.– Oinarri hauetan kirolari buruz egiten diren erreferentzia guztiak goi-mailako kirolari buruzkoak dira, Euskadin Goi-mailako Kirola arautzen duen uztailaren 20ko 203/2010 Dekretuan ezarritakoekin bat.

#### 3. artikulua.– Beka hauen jasotzaile diren kirol-modalitateak.

1.– Beka hauen bidez, bereziki kirol-modalitate guztiak eta lehiaketak sustatu eta lagundu nahi dira Euskal Autonomia Erkidegoan. Nazioarteko Batzorde Olinpiarrek eta Nazioarteko Batzorde Paraolimpikarrek onartutako kirolak izan behar dute. Batez ere, batzorde horiek onartutako Nazioarteko Federazioek antolatu dituzten lehiaketetan parte hartzea sustatu eta lagunduko du.

2.– Beka hauen helburua goi-mailako kirol ez-profesionala sustatu eta laguntzea da. Liga eta zirkuitu profesionalak kirol profesionala dira, hortaz, beka hauetatik kanpo daude.

4. artikulua.– 2012rako Euskadi Kirola Beken edukia.

«2012rako Euskadi Kirola Bekak» direlakoek zenbait laguntza mota izango dituzte, Fundación Euskadi Kirola Fundazioak 2012an emandakoak:

1.– Diru-laguntzak, honako eduki hauekin:

a) Oinarrizko beka: goi-mailako kirolarietarako diruz laguntzeko beka, entrenamenduan eta lehiaketan buru belarri jarduten dutela bermatzeko. Oinarri hauetan ezarritakoei jarraituz, goi-mailako kirolari direla egiaztatu behar dute.

b) Helburukako sariak: adostutako eta betetako kirol helburuen araberako sari ekonomikoak. Sari hauek oinarrizko laguntza edo bekaren onuradun diren kirolariek baino ez dituzte jasoko, baita euren teknikariek ere, 12.2.b) artikuluan zehazten denarekin bat. Kasuan kasuko kirol helburuak oinarri hauetako 15. artikuluan aipatzen den agirian ezarriko dira.

c) Laguntza osagarriak: aldeztutako planifikatutako kirol-errendimendua hobetzeko eta ez ohiko gastuak ordaintzeko. Aurrekontua itxia izango da (lehiaketetan parte hartzea, kontzentrazio bereziak egitea, e.a.). Laguntza hauek oinarrizko laguntza edo bekaren kirolari onuradunek baino ez dituzte jasoko. Horretarako, eskatzaileek fundazioak ezarritako laguntza osagarria eskatzeko protokoloa bete behar dute. Protokoloa honako web orrian argitaratuko da: [www.basqueteam.com](http://www.basqueteam.com). 5. artikuluan aurreikusitako bezala, Batzorde Betearazleak onetsi edo ukatuko ditu laguntza osagarriak. Horretarako, fundazioaren web orrian argitaratuko diren irizpide ekonomikoetan eta kirol-irizpide teknikoetan oinarritutako dira.

2.– Fundación Euskadi Kirola Fundazioak onuradunei hainbat zerbitzu osagarri egitea, kirol prestakuntza optimizatze aldera, hala nola:

a) Laguntza tekniko espezializatua goi kirol-errendimenduan.

b) Laguntza biomediko espezializatua goi kirol-errendimenduan.

c) Goi-mailako kirolarien irudia hobetzea eta prestakuntza akademiko eta profesionalerako Programan ezartzea.

d) Laguntza tekniko berrikuntzan eta kirol-modalitateari aplikatutako garapen zientifikoa.

3.– Aurreko 2. atalean zehazten diren laguntza tekniko eta biomedikoetarako zerbitzuak beken onuradunei eskainiko zaizkie, eta uko egiteko eskubidea izango dute. Zerbitzu horiei uko egiteak ez du esan nahi kontrol tekniko eta biomedikorik egin behar ez denik. Oinarri hauetako 15. artikuluko c) eta h) paragrafoetan adierazitako kontrolak nahitaez egin behar dira.

5. artikulua.– Bekak kudeatu eta esleitzeko organo eskudunak.

Fundación Euskadi Kirola Fundazioaren Patronatuari dagokio oinarri hauetako beken esleipena ezartzea. Aurrekoa gorabehera, Patronatuak Batzorde Betearazle baten esku utziko du eskumen hau. Batzorde honek ebaztuko ditu beka-eskaera guztiak, oinarri hauetako 13.3 artikuluan ezarritakoaren kalterik gabe.

Batzorde Betearazleak honako kide hauek izango ditu: Patronatuko idazkaria, fundazioko kudeatzailea, talde tekniko-zientifikoko koordinatzailea eta fundazioko aholkulari juridikoa.

Batzorde horrek beharrezko diren txosten tekniko, mediko, juridiko eta ekonomikoak eskatu eta bilduko ditu ebazpenak emateko.

6. artikulua.– Pertsona eta erakunde onuradunak.

1.– Bekak hartzeko onuradunak goi-mailako kirolariak, hauen teknikariak eta kirol erakundeak (kirol-elkarteak, kirol-taldeak, kirol-sozietate anonimoak) dira. Horiek guztiek oinarri hauetako I. eranskinean adierazitako kirol-irizpide teknikoak bete behar dituzte baita jarraian adierazten diren betekizun eta baldintzak ere.

2.– Goi-mailako kirolariak. «Euskadi Kirolak» bekak jaso ahal izateko honako betekizun hauek beteko dituzte kirolariek:

a) Adinez nagusia izatea.

b) Administrazio mailan, euskal nortasuna izatea, Autonomia Estatutuan adierazitakoarekin bat.

c) Euskal Federazioren batek emandako kirol lizentziarekin lehiatzea.

d) Oinarri hauetako 3. artikuluan aurreikusitako kirol motaren batean aritzea, eta goi kirol maila lortu izana indarrean izatea, Euskadin Goi-mailako Kirola arautzen duen uztailaren 20ko 203/2010 Dekretuaren II. Kapituluko 2. atalean ezarritakoekin bat.

e) 2012an goi-mailako kirol hori entrenatzen eta praktikatzen jarraitzea.

f) Dopin kontuak direla eta, administrazio-zehapen irmorik ez izatea.

g) Kirol kontuak direla eta, administrazio- edo diziiplina-zehapen irmorik ez izatea, ez larririk, ez oso larririk.

3.– Kirol-teknikariak. «Euskadi Kirolak» bekak jaso ahal izateko honako betekizun hauek beteko dituzte teknikariek:

a) Adinez nagusia izatea.

b) Jarduera Fisikoaren eta Kirolaren Zientzietako Lizentziatura edo kirol-titulazioa izatea, urriaren 24ko 1363/2007 Errege Dekretuarekin bat. Dekretu horrek kirol-irakaskuntza berezien antolamendu orokorra arautzen du. Edo, bestela, Errege Dekretu horren aurrekoak baina homologarriak diren titulazioak. Edo, hala badagokio, unibertsitateko master titulua kirol errendimenduan.

c) Oinarri hauetako 4. artikuluko 1.a) paragrafoan aurreikusitakoaren arabera, oinarrizko laguntza edo beka baten onuradun den kirolari baten kirol-prestakuntza teknikoaz arduratzen den pertsona izatea eta kirolariak berak onartua izatea. Kirolari bakoitzak gehienez pertsona bakarra onartuko du prestatzaile gisa. Prestakuntza teknikoaz arduratzen den pertsona aldatuz gero, kirolariak berak jakinaraziko dio fundazioari idatziz. Jakinarazpena egiten denetik hasita izango ditu ondoreak.

d) Goi-mailako teknikaria lortu izana indarrean izatea, Euskadin Goi-mailako Kirola arautzen duen uztailaren 20ko 203/2010 Dekretuaren II. Kapituluko 2. atalean ezarritakoekin bat.

e) 2012an kirolariaren arduradun teknikoa izaten jarraitzea.

f) Dopin kontuak direla eta, administrazio-zehapen irmorik ez izatea.

g) Kirol kontuak direla eta, administrazio- edo diziiplina-zehapen irmorik ez izatea, ez larria ez oso larria.

4.– Kirol erakundeak. Halaber, «Euskadi Kirola» beka jaso ahal izateko honako betekizun hauek beteko dituzte kirol-erakundeek (kirol-taldeak, kirol-elkarteak eta kirol-sozietate anonimoak):

a) Fundación Euskadi Kirola Fundazioak lehentasunezko interestzat jotzen dituen kirol-modalitateetako bateko kirol erakundea izatea, oinarri hauetako I. eranskinean (6. irizpidea) ezarritakoarekin bat.

b) Euskal Autonomia Erkidegoko Kirol-Erakundeen Erregistroan izena emanda egotea.

c) Kirol-modalitate berean gutxienez kirolari bi izatea, oinarrizko beka baten onuradun direnak, betiere oinarri hauetako 4. artikularen 1.a) paragrafoan aurreikusitakoaren arabera.

d) Bai kirolariak bai teknikari arduradunak kirol erakundeko partaide izatea.

e) Goi-mailako kirola prestatu ahal izateko giza baliabide, baliabide tekniko eta kirol instalazio egokiak izatea.

7. artikulua.– Beka hauek Goi-mailako Kirolari buruzko Dekretuarekin duten harremana.

1.– Beka hauek eskatzen dituzten kirolariek zein teknikariek, eskabidea egin aurretik goi-mailako kirolari edo teknikari izateko izapidetzeak hasi behar izan dituzte, betiere Goi-mailako Kirola arautzen duen uztailaren 20ko 203/2010 Dekretuaren II. Kapitularen 2. atalean ezarritakoekin bat.

2.– Aurreko paragrafoan eskatzen den betekizuna ezinbestekoa da beka hauek eman ahal izateko, baina ez da nahikoa izango.

3.– Beka hauek eskatzen dituzten pertsonak ez dute goi-mailako kirolari edo teknikari izateko izapidetzerik egiaztatu beharrik Goi-mailako Kirola arautzen duen uztailaren 20ko 203/2010 Dekretua ezarritakoekin bat. Fundación Euskadi Kirola Fundazioak berak egiaztatuko du artikulua honetan eskatutakoa betetzen dela.

4.– Fundación Euskadi Kirola Fundazioak egiaztatzen badu eskatzaileak ez duela betetzen artikulua honetako 1. paragrafoan eskatutakoa, eskatzaileari jakinarazi eta hamar egun balioduneko epea emango zaio zuzendu ahal izateko. Epea bukatuta, eta zuzenketarik ez badago, uko egindakotzat hartuko da, betiere oinarri hauetako 10.3 artikuluan ezarritakoekin bat.

8. artikulua.– Laguntzak salbuespenez ematea.

Salbuespenez, diru-laguntza ekonomiko hauek beste zenbait pertsona edo erakunderi eman ahal izango zaizkie: behar bezala justifikatutako kirol arrazoi, arrazoi teknikoak edo biomedikoak direla eta, I. eranskinean eskatutako kirol-merituak egiaztatu ez baina, urtean zehar, kirolariek oinarri hauetako 6.2 artikuluan a), b), c), f) eta g) paragrafoan eskatzen diren baldintzak betetzen badituzte eta teknikarien kasuan 6.3 artikuluan a), b), c), e), f) eta g) paragrafoan eskatzen diren baldintzak.

9. artikulua.– Eskabideak tramitatzea.

1.– Interesaturik dauden pertsona eta erakundeek Fundación Euskadi Kirola Fundaziora bidaliko dituzte eskabideak. Horretarako, dagokion idazki ereduia bete (oinarri hauetako II., III. eta IV. eranskinak) eta hurrengo paragrafoetan adierazten den agiriekin batera helbide honetara bidaliko dute: Makaleta etorbidea, z/g; 48992 - Getxo (Fadurako Teknika Hobekuntzarako Zentroa), edo honako e-mail honetara: fundacion-ek@euskalnet.net Era berean, eskabideen izapidetzea prozedura elektronikoa bidez edo Fundazioaren intranet bidez egin ahal izango da, URL helbidea honako hau da: <https://solucionsis.nextel.es:8743/BAT/login.jsp>.

2.– Eskabidearekin batera kirolariak agiri hauek aurkeztuko dituzte:

- a) NANaren edo pasaportearen kopia.
- b) Euskal Autonomia Erkidegoan erroldaren ziurtagiria, erroldatzea eskabidea egin den baino urtebete lehenago dagoela egiaztatzen duena.
- c) Euskal Federazioaren Lizentziaren kopia soila.
- d) Zerga betebeharrak egunean daudela adierazten duen ziurtagiria.
- e) Kirol-kurrikulua. Bertan nazioartean lortu diren kirol emaitzarik nabarmenenak deskribatuko dira, bereziki 2011. urtean, eta hala badagokio, 2012. urtean lortutakoak.
- f) 2012rako kirol-planifikazioa, kirolariak sinatua eta hala badagokio, teknikari arduradunak sinatua. Agiri horretan honako hauek agertuko dira: helburu nagusiak eta bigarren mailako helburuak, non eta noiz egingo diren. Gainera, helburuekin bat datozen entrenamendu saioen deskribapen zehatza egingo da.
- g) Egongo balitz, ingurune biomedikoa identifikatzeko zinpeko aitortpena, kirolariak sinatua, ingurune horretan sartuta dauden pertsonen kualifikazioak eta akreditazioak (Medikuntza Lizentziatura eta elkargokide zenbakia) barne daudela.
- h) Kirol jarduerak egiteko gai dela egiaztatzen duen mediku-ziurtagiria, beka eskatzen denetik lau urtetik gorako ziurtagiria ez bada.
- i) Era gehigarrian, kirol egokituko kirolariak minusbaliotasun maila egiaztatzen duen mediku-ziurtagiria aurkeztuko dute.

3.– Eskabidearekin batera teknikariak agiri hauek aurkeztuko dituzte:

- a) NANaren edo pasaportearen kopia.
- b) Zerga betebeharrak egunean daudela adierazten duen ziurtagiria.
- c) Ikasketa-tituluen kopia soila, oinarri hauetako 6. artikuluko 3.b) paragrafoan adierazi bezala.
- d) Oinarrizko bekaren kirol onuradunak sinatutako zinpeko aitortpena, 4. artikuluko 1.a) paragrafoan aurreikusitakoarekin bat. Bertan adierazten da kirol teknikari gisa beka eskatzen duena kirolariaren prestatzaile nagusia dela. Kirolari bakoitzak, gehienez ere, pertsona bakarra egiaztatuko du arduradun tekniko gisa. Prestakuntza teknikoaz arduratzen den pertsona aldatuz gero, oinarri hauetako 6. artikuluko 3.c) paragrafoan ezarritakoari jarraituko zaio.

4.– Eskabidearekin batera kirol erakundeek agiri hauek aurkeztuko dituzte:

- a) IFKren kopia.
- b) Euskal Autonomia Erkidegoko Kirol Erakundearen Erregistroan izena emanda dagoela adierazten duen ziurtagiria.
- c) Erakundea eratzeko agiriaren eta estatutuen kopia, kirol-erakundearen legezko ordezkariaren NANaren kopia, eta ordezkatzeko ahalmenaren egiaztatzea, bai ahalordetze-eskriuraren bidez, bai dagokion organoak egindako ziurtagiriaren bidez.
- d) Zerga betebeharrak egunean daudela adierazten duen ziurtagiria.

e) Bekaren onuraduna den kirol erakundeko kirolari guztiak kirolerako gai direla egiaztatzen duten mediku-zurtagiriak.

f) Kirol erakundeko kirolari guztien euskal federazioaren lizentziaren kopia soila.

g) Deialdi honetan beka jasotzeko aukera duten kirolarien zerrenda, kirol-plantillakoak direnak.

5.– Era gehigarrian, Fundación Euskadi Kirola Fundazioak behar beste agiri eta argibide eskatu ahal izango ditu bekak emateko.

6.– Beka eskabidearekin batera erantsiko diren agirien ereduak fundazioaren web orrian daude interesatuen eskuragarri: [www.basqueteam.com](http://www.basqueteam.com).

10. artikulua.– Eskabideak aurkezteko epea eta akatsak zuzentzea.

1.– Oinarri hauek Fundación Euskadi Kirolak Fundazioaren web orrian argitaratzen direnean zabalduko da eskabideak aurkezteko epea, eta oinarriak Euskal Herriko Agintaritzaren Aldizkarian argitaratzen direnetik hasita hilabeteko (1) epean itxiko da epea.

2.– Salbuespenez, oinarri hauetako I. eranskineko 2. irizpidean adierazitako kirol emaitza egiaztatzen du(t)en kirolariak/ek aurkeztu ahal izango du(te) eskabidea 2012. urtean zehar.

3.– Fundación Euskadi Kirola Fundazioak, behin eskabideak eta beharrezko agiriak jasota, banakako espedienteak egingo du eskabide bakoitzeko. Espediente hori Batzorde Betearazleari bidaliko zaio, oinarri hauetan onartutako irizpideen arabera azter dezan.

4.– Aurkeztu diren eskabidea eta bestelako agiriak aztertuta, akatsik egonez gero edo agiririk falta izanez gero, eskatzaileari jakinarazi eta hamar egun balioduneko epea emango zaio zuzendu ahal izateko. Epea bukatuta, eta zuzenketarik ez badago, uko egintzat hartuko da.

11. artikulua.– Bekak emateko prozedura: kirol-auditoretza eta derrigorrezko mediku-azterketa.

1.– Batzorde Betearazleak espedienteak jaso eta oinarri hauetan ezarritako irizpideen arabera aztertu eta balioetsiko du eta, hala badagokio, kirol-auditoretza eta derrigorrezko mediku-azterketa proposatuko ditu. Lan hauek teknikari eta mediku adituek egingo dituzte.

2.– Beka eskatzaileek kirol-auditoretza eta mediku-azterketa egin beharko dute, kirola praktikatzeko gai direla bermatze aldera, Fundación Euskadi Kirola Fundazioak proposatutakoei jarraituz. Eskatzaileak auditoretza eta azterketa egiteari ezetz esaten badio, ukatu egingo zaio eskabidea, besterik gabe.

3.– Batzorde Beterazleak, egindako auditoretza, azterketa eta fundazioak duen finantza eta aurrekontua aintzat hartuta, beka emateko edo ukatzeko ebazpen zioduna egingo du eta idatziz jakinaraziko zaio pertsona edo erakunde eskatzaileari.

12. artikulua.– Bekak balioesteko eta kuantifikatzeko irizpideak.

1.– Batzorde Betearazleak bekak emateko ebazpena egingo du pertsona edo erakunde eskatzaileen merituen eta ezaugarri pertsonalen arabera.

2.– Meritu eta ezaugarri horiek balioesteko Batzorde Betearazleak oinarri hauetako I. eranskinean adierazten diren balioesteko irizpideak aplikatuko ditu nahitaez. Bereziki, irizpideak honela aplikatuko dira:

a) Goi-mailako kirolariak. Goi-mailako kirolarien merituek balioestea I. eranskinean ezartzen diren balioesteko eta kuantifikatzeko irizpideetan oinarrituz zehaztuko da. Hala badagokio,

balioespen horrek oinarri hauetako 4. artikuluko 1.a) paragrafoan adierazitako oinarrizko beka ematea ekarriko du.

b) Kirol-teknikariak. Oinarri hauetako 4. artikuluko 1.a) paragrafoan adierazitako oinarrizko beka jasotzeko proposatzen den kirolari bakoitzeko, teknikariari beka arrunta emango zaio. Oinarrizko bekaren % 25 gehi kirolariak jasoko duen sariaren % 25 izango da zenbatekoa. Bekar arruntaren ondorioetarako, ez da onartuko 3 kirolaritik gora teknikari bakoitzeko. Halaber, teknikariek beka berezia jaso ahal izango dute, I. eranskinean adierazitakoekin bat (F taldea).

c) Kirol-erakundeak. Fundazioak lehentasunezkoak jotzen dituen kirol-modalitateen kirol-erakundeei baino ez zaizkie emango dirulaguntzak, eta kirol-plantillan gutxienez goi-mailako kirolari bi dituztenak kategoria absolutuan. Kirolari horiek oinarri hauetako 4. artikuluko 1.a) paragrafoan adierazitako oinarrizko bekaren onuradun dira.

3.– Beka, sari eta laguntza osagarrien zenbatekoa zehazteko, aurkeztu eta onartu diren eskabideak eta fundazioak duen finantza egoera hartuko dira kontuan.

4.– Oinarri hauetako 4. artikuluko 2. paragrafoan adierazten diren zerbitzu osagarriek ez dute muga kuantitatibo lehenetsirik eta Batzorde Betearazleak finkatuko ditu, arrazionalitate eta aukera irizpideei jarraituta.

13. artikulua.– Ebazpena.

1.– Batzorde Betearazleak gehienez ere bi (2) hilabeteko epean ebatzi edo ukatuko du bekak ematea, eskabideak aurkezten diren egunetik zenbatzen hasita.

2.– Ebazpena, edonola ere zioduna dena, bana-banaka jakinaraziko zaie beka eskatzen dutenei.

3.– Batzorde Betearazlearen ebazpenaren aurka errekurtsoa jar daiteke Fundación Euskadi Kirola Fundazioaren Patronatuko Lehendakariaren aurrean, jakinarazten denetik hasita 15 eguneko epean.

4.– Euskadi Kirola 2012 beka emateko onuradunak Konpromiso Agiria Fundazioarekin sinatu beharko du, oinarri hauetako 15. artikuluan adierazitakoarekin bat.

14. artikulua.– Onuradunak onartzea.

Beken onuradun diren pertsona eta kirol-erakundeek, oinarri hauetan arautuak, Fundación Euskadi Kirola Fundazioaren egoitzara agertu beharko dute, beka ematea jakinarazten denetik gehienez ere 15 eguneko epean, dagokion beka beren beregi onartzeko eta Fundación Euskadi Kirola Fundazioarekin Konpromiso Agiria sinatzeko.

15. artikulua.– Konpromiso Agiria Fundación Euskadi Kirola Fundazioarekin.

Fundación Euskadi Kirola Fundazioarekin sinatuko den Konpromiso Agiria derrigorrezkoa da beken onuradun diren pertsona eta erakundeentzat. Honetara daude behartuta:

a) 2012an zehar goi-mailako kirol-jardueran eta entrenatzen jarraitzea.

b) Fundazioari, aldizka, kirol-jarduerari lotutako funtsezko informazioa ematea (kirol-emaitzak, gorabehera fisikoak, deialdiak, desplazamenduak...). Bereziki, kirolari guztiek adierazi behar dute noiz, non eta zein lehiaketatan egin dituzten mediku kontrolak, bai antidopinak, bai osasunekoak. Horretarako, fundazioak prozedura berezia prestatuko du oinarri hauen onuradunek derrigorrean bete beteko dutena.

c) Agirian ageri den kirol-planifikazioan ezarritako kontrolak betetzea, kirol-planifikazioa jarraitze aldera.

d) Fundación Euskadi Kirola Fundazioak zehaztuko dituen ikur eta markak eramatea, betiere lehiaketan arautegiak uzten badu.

e) Fundación Euskadi Kirola Fundazioak antolatzen dituen sustatzeko jardunaldi eta ekitaldietan parte hartzea.

f) Kirol-jarduerari lotutako diru-sarrera guztiak egiaztatzea eta horien berri Fundazioari ematea.

g) Kirol-lehiaketetan eta lehiaketetatik kanpo joko garbia erakustea, mugimendu olinpiarraren printzipioekin bat.

h) Eusko Jaurlaritzako Kirol Zuzendaritzak edo beste erakunde eskudun batek jarritako antidopin kontrolak egin eta onartzea, lehiaketa barruan eta lehiaketatik kanpo. Dopin kontuak direla-eta, indarrean dauden arauak errespetatzeko konpromisoa hartzea.

i) Fundazioari laguntzea enpresa babesleekin dituen publizitate-konpromisoak betetzen.

j) Fundación Euskadi Kirola Fundazioarekin adostu den Konpromiso Agirian ezarritako beste edozein betebeharrak.

16. artikulua.– Euskadi Kirola Bekak ordaintzea.

1.– 4. artikuluko 1.a) paragrafoan aurreikusita dauden oinarritzko laguntza edo beka hileroko ordainduko dira, Fundación Euskadi Kirola Fundazioarekin Konpromiso Agiria sinatzen denetik hasita.

2.– 4. artikuluko 1.b) paragrafoan aurreikusita dagoen helburukako sari-ordainketa era bakarrean egingo da, Fundación Euskadi Kirola Fundazioarekin sinatutako Konpromiso Agirian adierazten den kirolari bakoitzarentzako helburua bete dela egiaztatu eta gero.

3.– 4. artikuluko 1.c) paragrafoan aurreikusita dauden laguntza osagarriak ordaintzea Batzorde Betearazleak baimenduko du, kasuan kasuko eskabideak eta inguruabarrak kontuan hartuta. Aldez aurretik oinarritzko bekaren onuradunak eskatuko du, fundazioaren administrazio sailak adierazitako eskabide-protokoloari jarraituz (laguntza osagarriak eskatzeko ereduak eskuragarri jarriko dira fundazioaren web orrian: [www.basqueteam.com](http://www.basqueteam.com)).

17. artikulua.– Beken bateragarritasuna.

Bateragarri dira batetik oinarri hauetan araututa dauden beka, sariak eta laguntzak eta, bestetik, beste edozein erakunde publiko edo pribatuk, helburu berarekin, onuradun berari eman ahal dion donolako laguntza.

Aurrekoaren kalterik gabe, Beka eta Laguntza hauek emateak ez dakar inola ere diruz lagundutako kirol jardueraren gainfinantzakerik. Horretarako, Fundación Euskadi Kirola Fundazioak goi-mailako kirolari dirulaguntzak ematen dizkieten beste erakunde publiko zein pribatu batzuekin jokatuko du lankidetzan, iruzurrik edo neurritz gaineko jardunbiderik egon ez dadin.

18. artikulua.– Beken prestazioak ez betetzea eta etetea.

1.– Oinarri hauetan eskatutako betebeharrak ez betetzeak, edo oinarrietan eskatutako baldintzak gerora sortzeak administrazio-espeditentia egitea ekarriko du, betiere beka eman ondoren

gertatuz gero. Beka jaso duen pertsona edo erakundeari entzun ondoren, bekaren prestazioak eten eta ukatu daitezke, Batzorde Betearazleak erabakiko du norainokoa den.

2.– Halaber, beken onuradun diren pertsonak edo erakundeek hartutako betebeharrak ez betetzeak kontratua ez betetzea ekarriko du, eta horrela dago jasota 15. artikuluan aurreikusitako Konpromiso Agirian. Interesdunari entzun ondoren, berehala eten daiteke dirulaguntza, Batzorde Betearazleak erabakitakoei jarraituz.

3.– Era gehigarrian, eta ez betetzea ekarri duten inguruabarrak kontuan izanda, Batzorde Betearazleak eska dezake Fundación Euskadi Kirola Fundazioari jasotako zenbateko osoa edo zati bat itzultzeko.

4.– Bereziki, Batzorde Betearazleak erabakiko du, kautelazko neurri gisa, behin-behinean eteteko kirolariei emandako laguntzak eta bekak, antidopin kontroletan «aurkako emaitza» ematen badute. Kautelazko neurriak ebazpen irmoa izan arte iraungo du. Horrelakoetan, dopin kontuak direla-eta zehapen irmoa jaso duten kirolariek hartutako zenbatekoak itzuli beharko dituztela erabakiko du Batzorde Betearazleak. Bestela, eten diren datatik kobratu gabe dauden 2012ko laguntzak eta bekak ordainduko zaizkio pertsona onuradunari.

## GEHIGARRIA

XEDAPEN GEHIGARRIA.– Lan-munduan txertatzeko plana, kirol-jarduera amaitutzat eman nahi duten goi-mailako euskal kirolarientzat.

Goi-mailako kirolari ematen dion laguntza gisa, Fundación Euskadi Kirola Fundazioak hainbat laguntza eta prestazio eman nahi dizkie kirolariei garapen pertsonala jorra dezaten. Kirol-jarduera amaitutzat eman nahi duten kirolariek ere laguntza horiek jasoko dituzte.

Horrela, Fundación Euskadi Kirola Fundazioak «Lan-munduan txertatzeko plana goi-mailako euskal kirolarientzat» izeneko plana eskaintzen die aurreko urteetan Euskadi Kirola Bekak jaso dituzten pertsonari. Honako irizpide hauek arautuko dute:

I. artikulua.– Planean jasotzen diren laguntza motak. Plan honen onuradunek jarraian adierazten diren laguntza batzuk edo Hauek guztiak izango dituzte:

- Laguntza tekniko eta biomediko bereziturako programa.
- Prestakuntza akademiko eta profesionalerako programa.
- Birlaneratzeko eta enplegu-programa.
- Hala badagokio, laguntza ekonomikoetarako programa, prestakuntza akademikoa eta birlaneratzea xede dituzten proiektuak finantzatzeko.

II. artikulua.– Planaren onuradunak. Lan-munduan txertatzeko planaren laguntza eta onura programak jaso ahal izateko, kirol-jarduera amaitutzat eman nahi duten kirolariek honako betekizun hauek bete behar dituzte:

a) Euskadi Kirola Bekak gutxienez bi urtez jarraian jaso izana, eta adostutako kirol-emaitzak lortu izana.

b) Kirolariak adierazpen formala egin behar du kirol-ibilbidea amaitutzat emango duela data jakin batetik aurrera.

III. artikulua.– Plana jasoko duten pertsonen betebeharrak. Planeko laguntzen onuradunek Fundación Euskadi Kirolarekin egin behar dute lan, betiere pertsona onuradunaren eta Fundazioaren artean sinatuko den hitzarmenak ezarritakoei jarraituz. Edonola ere, lankidetzaren horren barruan, besteak beste, honako hauek sartzen dira: kirol-ibilbidean jasotako ezagutzak eta eskarmentua, beste kirolari batzuei laguntzeko; eta potentzial mediatikoa aprobetxatzea, irudi-eskubideak Fundación Euskadi Kirola Fundazioari lagata, eskubideok beste kirolari batzuek izan ditzaten.

IV. artikulua.– Plana jasotzeko eskabidea. «Lan-munduan txertatzeko plana goi-mailako euskal kirolarientzat» izeneko plana jaso nahi duten kirolariek idazki soila bidali behar dute. Bertan argi eta garbi adieraziko dute nor diren eta plana jaso nahi dutela. Idazkia Fundación Euskadi Kirola Fundazioari bidaliko dute, Makaleta etorbidea, z/g; 48992 - Getxo (Fadurako Teknika Hobekuntzarako Zentroa), edo honako e-mail honetara: fundacion-ek@euskalnet.net

V. artikulua.– Izapidetzea, balioestea eta hitzarmena. Fundación Euskadi Kirola Fundazioak, behin eskabideak jasota, banakako espedienteak egingo ditu eskabide bakoitzeko. Espediente hori Batzorde Beterazleari bidaliko zaio, oinarri hauetako 5. artikuluan onartutako irizpideen arabera azter dezan. Batzorde Beterazleak egoki deritzon txosten teknikoak eskatuko ditu eskabidea behar bezala balioesteko. Batzorde Beterazleak, egindako azterketa eta fundazioak duen finantza eta aurrekontua aintzat hartuta, eskabidea ukatzeko ebatziko du edo eskatzaileari hitzarmena egiteko eskatuko dio «Lan-munduan txertatzeko plana goi-mailako euskal kirolarientzat» izeneko planean sartzeko. Behin hitzarmena sinatuta, planean ezarritakoei jarraituz jardungo dute kirolariek.

Getxo, 2011ko abenduaren 21a.

Idazkaria,

JUAN FRANCISCO MUTILOA ALDAZABAL.

## I. ERANSKINA

## KIROL MERITUAK BALIOESTEKO IRIZPIDEAK

«Euskadi Kirola Bekak 2012» oinarri hauek eskatzen dituzten baldintzak bete eta kirol-merituak egiten dituztenei emango zaizkie. Meritu horiek honako balioesteko irizpide tekniko hauen arabera haztatu eta balioetsiko dira:

1. Irizpidea.- Oro har, oinarrietako 4. artikuluan aurreikusitako laguntzak emateko kategoria absolutuan eta nazioartean lortutako kirol-emaitzak bakarrik hartuko dira aintzat, 2011ko urtarrilaren 1etik abenduaren 31ra bitartekoak betiere (biak barne). Oinarri hauen ondoreetarako, «kirol emaitza» nazioartean egiten den lehiaketa ofizialean lortutako postua da, bereziki, Joko Olinpiarretan, Munduko Txapelketetan eta Europako Txapelketetan. Era berean, eta oinarri hauen ondoreetarako, kategoria absolutua honako hau da: kirol-modalitate bakoitzaren maila goreneko kirol lehiaketa egiten den adin kategoria.

2. Irizpidea.- Salbuespenez, Euskadi Kirola Beka 2012 jasotzeko, 2012ko urtarrilaren 1etik atzeraeraginezko ondorearekin, 2012an Londreseko Joko Olinpiarretan sailkatzeko eskatzen den kirol-emaitza lortu behar da 2012. urtean.

3. Irizpidea.- Halaber, eta salbuespenez, 2011n Euskadi Kirola beka baten onuradun izan diren kirolari eta kirol-erakundeek Fundación Euskadi Kirola Fundazioak ematen dituen zerbitzu osagarriak erabiltzeko eskubidea izango dute 2012an, oinarri hauetako 4. artikuluko 2. paragrafoan adierazitakoarekin bat, nahiz eta 1. irizpidean zehaztutako kirol-emaitzarik ez egiaztatu eta betiere oinarri hauetan ezarritakoa betez gero.

4. Irizpidea.- Kirol egutegian errotuta dauden lehiaketetan lortutako kirol-emaitzak balioetsiko dira soil-soilik. Kirol egutegian errotuta dauden lehiaketak gutxienez 10 ekitaldi egin dituztenak dira, edo jarraian, ez urtero derrigorrean, azken 10 urteotan egin direnak.

5. Irizpidea.- Aintzat hartuko dira bakarrik Londres 2012 Egitarau Olinpiarrean jasota dauden taldekako lehiaketetan lortutako emaitzak, banakako probei dagozkienak.

6. Irizpidea.- Euskadi Kirola Bekak 2012 hauek jasotzeko Fundación Euskadi Kirola Fundazioaren lehentasunezko kirol-modalitateak honako hauek dira: emakumezkoen belar gaineko hockey-a, emakumezkoen judoa, emakumezkoen eskubaloia, pistako ziklismoa, slalom-piraguismoa eta bela olinpiarra.

7. Irizpidea.- 2. eta 3. irizpideetan ezarritakoaren kalterik gabe, beka hauen onuradun izateko, pertsona eskatzaileek jarraian aipatzen diren kirol-merituen bat egiaztatu beharko dute eskabideetan.

## KIROL MERITUAK

Pertsona eta kirol erakunde eskatzaileen kirol merituak haztatu egingo dira, honako talde hauetako batekoak diren aztertuta:

A Taldea.- Banakako kiroletako kirolari olinpiarrek.

Kirol olinpiarreko banakako kirolarien kirol-potentzian balioetsiko dira, modalitate olinpiarra egiten badute, honako balore taulari jarraituz:

KIROL POTENTZIALA	PUNTAKOAREKIN ALDEA	Lehiaketa-balioa	2012 Egitarau Olinpiarreko modalitatea, edo ez	60
			Kontinenteak	
			Herrialdeak	
		Lortutako postuaren balioa		
	HOBETZEKO ERRESERBA	Adina	18	40
		Zenbat urte lehiatzen	12	
		Kirol-ibilbidea	6	
Biotipoa		4		
			GUZTIRA	100

Kirolari bakoitzaren «kirol-potentziala» kontzeptua 0tik 100 puntura balioetsiko da. Kontzeptu horrek bi azpikontzeptu ditu: «puntakoarekin aldea» (guztizkoaren % 60ko balioa du edo 60 puntu) eta «hobetzeko erreserba» (guztizkoaren % 40ko balioa du, edo 40 puntu).

«Puntakoarekin aldea» azpikontzeptua lortutako kirol-eremuz ari da eta, aurreko taulan grafikoki adierazi bezala, beste bi baliotan banakatzen da: «lehiaketa-balioa» eta «lortutako postuaren balioa»

- «lehiaketa-balioa» nazioarteko lehiaketaren kategoria haztatzea da. Horretarako, zenbait arlo hartzen dira kontuan, hala nola, Londres 2012ko Egitarau Olinpiarreko modalitatea den ala ez, zenbat kontinentek eta herrialdek hartzen duten parte.

- «lortutako postuaren balioa» aztertzen den lehiaketaren azken sailkapenean eskatzaileak lortutako postua haztatzea da. Haztapena horrela egiten da: koefiziente zuzentzailea «lehiaketa-balioan» aplikatu, goranzko edo beheranzko joera duena, betiere kirolariak sailkapenean lortu duen posizio erlatiboaren arabera.

Bestalde, «hobetzeko erreserba» azpikontzeptuak kirolariaren inguruabarrak eta ezaugarriak balioesten ditu, kirol-jarduerari zuzenean loturik daudenak eta, taulan adierazi bezala, beste lau baliotan banakatzen da: kirolariaren adinaren haztapena, zenbat urte eman duen lehian, kirolariaren biotipoa eta kirol-ibilbidea.

A Taldeko kirolariei eskatzen zaizkien kirol-merituak: beka hauen onuradun izateko, A Taldeko kirolariak gutxienez 60 puntu atera beharko dituzte kirol-potentziala balioestean. 60 puntu horietatik, gutxienez 40, «puntakoarekin aldea» kontzeptuari dagozkio.

B Taldea.- Banakako kirolariak, baina Londres 2012 Egitarau Olinpiarrekoak ez diren modalitateetakoak.

Kirol ez olinpiarreko edo Londres 2012 Egitarau Olinpiarrekoa ez den modalitateko banakako kirolariak «puntakoarekin aldea» azpikontzeptuaren bidez soilik balioetsiko dira, A Taldearentzat aplikagarri den taulan adierazitakoei jarraituz.

B Taldeko kirolariei eskatzen zaizkien kirol-merituak: beka hauen onuradun izateko, B Taldeko kirolariak gutxienez 40 puntu atera beharko dituzte, 60 puntutik, «puntakoarekin aldea» azpikontzeptuan, A Taldearentzat aplikagarri den taulan adierazi bezala.

C Taldea.- Taldekako kirolariak, modalitate olinpiarretan.

Beka hauen onuradun izateko, taldekako kiroletako kirolariak modalitate olinpiarretan dagokion kiroleko Munduko Txapelketako edo Europako Txapelketako azken fasean parte hartu izana egiaztatu beharko dute, gutxienez behin eta 2011ko urtarrilaren 1 eta abenduaren 31 bitartean.

D Taldea.- Taldekako kiroletako kirolariak, Londres 2012 Egitarau Olinpiarrekoak ez diren modalitateetan.

Taldekako kiroletako kirolariak, Londres 2012 Egitarau Olinpiarrekoak ez diren modalitateetan, «puntakoarekin aldea» azpikontzeptuaren bidez soilik balioetsiko dira, A Taldearentzat aplikagarri den taulan adierazitakoei jarraituz.

D Taldeko kirolariei eskatzen zaizkien kirol-merituak: beka hauen onuradun izateko, D Taldeko kirolariak gutxienez 40 puntu atera beharko dituzte, 60 puntutik, «puntakoarekin aldea» azpikontzeptuan, A Taldearentzat aplikagarri den taulan adierazi bezala.

E Taldea.- Goi-mailako kirolari egokituak.

Beka hauen onuradun izateko, kirol egokituetakoa kirolariak dominaren bat lortu behar izan dute 2011. urtean, Munduko Txapelketan edo Europako Txapelketan. Kirol-modalitateak, jakina, Londres 2012 Egitarau Olinpiarren barruan egon behar du.

Halaber, aurreko atalean adierazitako kirol emaitzak 2011n lortu ez baina Londres 2012 Joko Olinpiarretan parte hartuko duten kirol egokitutako kirolariak beka baten onuradun izango dira.

F Taldea.- Kirol teknikariak.

Beka arrunta: beka arrunta eskuratzeko, kirol teknikariak A, B, C, D edo E Taldeetako kirolariren baten prestakuntzaren arduradun nagusiak direla egiaztatu behar dute. Kirolari horiek, gainera, oinarritzko beka baten onuradun dira, oinarri hauetako 4. artikuluko 1.a) paragrafoan adierazitakoekin bat.

Beka arruntak honako zenbateko hau jasotzeko eskubidea ematen du: oinarritzko bekaren % 25 eta kirolariak lortutako sariaren % 25 arteko batuketara. Beka arrunta kalkulatzeko aldera, ez dira teknikari bakoitzeko 3 kirolari baino gehiago zenbatu edo neurtuko.

Beka berezia: beka berezia eskuratzeko, kirol teknikariak honako baldintzetariko bat bete behar dute:

a) Beka hauen onuradun den kirol erakunde bateko arduradun tekniko nagusia izatea, oinarri hauetako 6. artikuluko 4. paragrafoan adierazitakoekin bat.

b) Fundación Euskadi Kirola Fundazioak lehenesten dituen modalitateetako banakako bi kirolari edo gehiagoren arduradun tekniko nagusia izatea. Oinarri hauetako 4. artikuluko 1.a) paragrafoan aurreikusitako oinarritzko beka baten onuradun dira kirolari horiek.

Beka bereziaren bidez, teknikariak oinarritzko beka eta helburukako sariak eskuratu dituzte, kirolariak jasotzen dituztenak ez bezalakoak. Beka berezi hori goi-mailako entrenamenduari ekiteko ematen da eta teknikariak lehenetsutako dedikazioa eman behar dio jarduerari. Hau guztia Fundación Euskadi Kirola Fundazioarekin sinatutako Konpromiso Agirian jasoko da, oinarri hauetako 15. artikuluan aurreikusi bezala.

Teknikariei beka berezi bakarra esleituko zaie, kirol modalitate bakoitzeko.

Inongo teknikarik ezingo ditu aldi berean jaso oinarri hauetako beka arrunt bat eta beka berezi bat.

G Taldea.- Goi-mailako Kirol-Erakundeak.

Beka hauek eskuratzeko, euskal kirol-erakundeek oinarri hauetako 6. artikuluko 4. paragrafoan ezarritako baldintzak bete beharko dituzte.

Goi-mailako kirol-erakundeei beka bakarra esleituko zaie, kirol modalitate bakoitzeko.

2012ko urtarrilaren 18a, asteazkena

## II. ERANSKINA

«EUSKADI KIROLA 2012 BEKA» ESKATZEKO EREDUA  
(KIROLARIAK)

Izen-abizenak: .....

NAN: .....

Helbidea: .....

Telefonoak: .....

E-maila: .....

Egiten duen kirol modalitatea: .....

## ADIERAZTEN DU:

Goi-mailako euskal kirolari laguntzeko beka emateko oinarriek eskatzen dituzten baldintza guztiak betetzen dituela, 2012. urterako Fundación Euskadi Kirola Fundazioak EHAAn argitaratu dituenak eta beraz,

## ESKATZEN DU:

Fundación Euskadi Kirola Fundazioak goi-mailako euskal kirola sustatzeko «Euskadi Kirola 2012» beka ematea. Horretarako, honako agiri hauek aurkezten ditu:

- a) NANaren edo pasaportearen kopia.
- b) Euskal Autonomi Erkidegoan erroldaren ziurtagiria.
- c) Euskal Federazioaren Lizentziaren kopia soila.
- d) Zerga betebeharrak egunean daudela adierazten duen ziurtagiria.
- e) Kirol-kurrikulua. Bertan nazioartean lortu diren kirol emaitzarik nabarmenenak deskribatzen dira. (Hala badagokio, garrantzitsua da selekzio absolutuarekin nazioartean lehiatu den lehenengo urtea adieraztea)
- f) 2012rako kirol-planifikazioa, kirolariak sinatua eta, hala badagokio, teknikari arduradunak sinatua.
- g) Gaitasuna aitortzen duen mediku-ziurtagiria, betiere aurreko lau urteen barruan.
- h) Ingurune teknikoa eta biomedikoa identifikatzeko zinpeko aitorpena, kirolariak sinatua, ingurune horretan sartuta dauden pertsonen kualifikazioak eta akreditazioak barne daudela.
- i) Era gehigarrian, kirol egokituko kirolariek minusbalotasun maila egiaztatzen duen mediku-ziurtagiria aurkeztuko dute.

.....-(e)n, 2012ko .....aren .....(e)(a)n.

Sin.: Kirolaria .....

2012ko urtarrilaren 18a, asteazkena

## III. ERANSKINA

«EUSKADI KIROLA 2012 BEKA» ESKATZEKO EREDUA  
(TEKNIKARIAK)

Izen-abizenak: .....

NAN: .....

Helbidea: .....

Telefonoak: .....

E-maila: .....

Kirol modalitatea: .....

## ADIERAZTEN DU:

Goi-mailako euskal kirolari laguntzeko beka emateko oinarriek eskatzen dituzten baldintza guztiak betetzen dituela, 2012. urterako Fundación Euskadi Kirola Fundazioak EHAAn argitaratu dituenak eta, beraz, honako hau

## ESKATZEN DU:

Fundación Euskadi Kirola Fundazioak goi-mailako euskal kirola sustatzeko «Euskadi Kirola 2012» beka ematea. Horretarako, honako agiri hauek aurkezten ditu:

- a) NANaren edo pasaportearen kopia.
- b) Zerga betebeharrak egunean daudela adierazten duen ziurtagiria.
- c) Ikasketa-tituluen kopia soila, oinarri hauetako 6. artikuluko 3.b) idatzi-zatian adierazi bezala.
- d) Oinarrizko bekaren kirol onuradunak sinatutako zinpeko aitortpena, 4. artikuluko 1.a) paragrafoan aurreikusitakoarekin bat. Bertan adierazten da kirol teknikari gisa beka eskatzen duena kirolariaren prestatzaile nagusia dela.

.....-(e)n, 2012ko ..... aren .....(e)(a)n.

Sin.: Teknikaria .....

2012ko urtarrilaren 18a, asteazkena

## IV. ERANSKINA

«EUSKADI KIROLA 2012 BEKA» ESKATZEKO EREDUA  
(KIROL-ERAKUNDEAK)

Izen-abizenak: .....

NAN: .....

Erakundearen izenean eta ordezkapenean: .....

Erakundearen helbidea: .....

Telefonoak: .....

E-maila: .....

Kirol modalitatea: .....

## ADIERAZTEN DU:

Ordezkatzen dudan erakundeak goi-mailako euskal kirolari laguntzeko beka emateko oinarriek eskatzen dituzten baldintza guztiak betetzen dituela, 2012. urterako Fundación Euskadi Kirola Fundazioak argitaratu dituenak eta beraz,

## ESKATZEN DU:

Fundación Euskadi Kirola Fundazioak goi-mailako euskal kirola sustatzeko «Euskadi Kirola 2012» beka ematea ordezkatzeko dudan erakundeari. Horretarako, honako agiri hauek aurkezten ditu:

- a) Kirol-erakundearen IFKren kopia.
- b) Euskal Autonomia Erkidegoko Kirol Erakundearen Erregistroan izena emanda dagoela adierazten duen ziurtagiria.
- c) Erakundea eratzeko agiriaren eta estatutuen kopia, kirol-erakundearen legezko ordezkariaren NANaren kopia, eta ordezkatzeko ahalmenaren egiaztatzea, bai ahalordetze-eskriuraren bidez, bai dagokion organoak egindako ziurtagiriaren bidez.
- d) Zerga betebeharrak egunean daudela adierazten duen ziurtagiria.
- e) Kirol erakundeko kirolari guztiak kirolerako gai direla egiaztatzen duten mediku-ziurtagiriak, eskabidea egin aurreko lau urteetakoak.
- f) Kirol erakundeko kirolari guztien euskal federazioaren lizentziaren kopia soil.
- g) Deialdi honetan beka jasotzeko aukera duten kirolarien zerrenda, kirol-plantillakoak direnak.

.....-(e)n, 2012ko .....aren .....(e)(a)n.

Sin.: Erakundearen ordezkaria .....